

Marijke

## Stemmingen

*Verschillend van aord*

*van gedichten of te lezen*

*meensken slim verdrietig*

*soms inienen uutbundig*

*'t veraandert*

*as et weer*

*'t keert zo omme*

*as een blattien an de boom.*

In *Studentehaever* staon verhaelen en gedichten in et Stellingwarfs uut de jaoren 2001 t/m 2005. Ze bin van de haand van een groep kursisten *Kreatief schrieven*. Van goenend van die kursisten is ok al riegelmaotig wark publiceerd in o.e. et Stellingwarver tiedschrift *De Ovend*, de rebriek *Op 'e schostienmaantel* in de regionale kraanten en de *Stellingwarver Spreukelinder*. Van ien van heur verscheen alderdeegst al een bundel mit gedichten, van pattie eren kun d'r ok eigen publikaosies verwaacht wodden. De Stellingwarver Schrieversronte hoopt dat, behalven deur et jaarliks organiseren van ien of meer kursussen *Kreatief schrieven*, mit et verschieenen van *Studentehaever* meer meensken anzet wodden tot et schrieven in et Stellingwarfs. An de prachtige, slim ofwisselende inhoud van disse bundel zal et zeker niet liggen, die zal de lezers vast hiel goed smaeken!

SSR 120

ISBN 90 6466 1332